



Na osnovu člana 22 Statuta Brčko distrikta BiH (Službeni glasnik Brčko distrikta BiH, broj 17/08), člana 64 Poslovnika o radu Skupštine Brčko distrikta BiH (Službeni glasnik Brčko distrikta BiH, broj 17/08), razmatrajući Prijedlog budžeta Brčko distrikta BiH za 2010. godinu, Skupština Brčko distrikta BiH, na 16. redovnoj sjednici održanoj 17. novembra 2009. godine, donijela je

ZAKLJUČAK

Član 1

1. Zadužuje se Vlada Brčko distrikta BiH da Skupštini Brčko distrikta BiH prije usvajanja Budžeta Brčko distrikta BiH za 2010. godinu dostavi amandmane na budžet Brčko distrikta BiH za 2009. godinu.
2. Racionalizovati prijedlog budžeta Brčko distrikta BiH za 2010. godinu u dijelu tekućih izdataka na način da se nivo tekućih izdataka po svim organizacionim jedinicama koje su planirale tekuće izdatke iznad nivoa ostvarenja za 2008. godinu umanjuje i maksimalno odredi na nivou ostvarenja za 2008. godinu na način da Vlada Brčko distrikta BiH sačini amandmane za javnu upravu a Komisija za budžet Skupštine Brčko distrikta BiH za nezavisne institucije Brčko distrikta BiH.
3. Racionalizovati prijedlog budžeta Brčko distrikta BiH za 2010. godinu u dijelu plata na način da se plate za sve zaposlene u javnoj upravi planiraju na nivou iz 2008. godine u dijelu gdje su plate uvećane tokom 2009. godine a da se smanjene plate tokom 2009. godine zadrže na istom nivou u prijedlogu budžeta Brčko distrikta BiH za 2010. godinu. Izuzeci u odnosu na predloženi zaključak prihvataju se samo u dijelu plata koje je tretiralo pismo Supervizora od 14. novembra 2007. godine, a koje je ugrađeno u Budžet za 2009. godinu.
4. Smanjiti izdavanje za softvere i informacione sistema za 50% u odnosu na Prijedlog budžeta za 2010. godinu.
5. Prije usvajanja budžeta za 2010. godinu pristupiti izmjeni Zakona o platama zaposlenih u organima uprave Brčko distrikta BiH i Zakona o naknadama, platama korisnika budžetskih sredstava u Skupštini Brčko distrikta BiH u cilju ispravljanja uočenih nedostataka. U prvoj fazi obavezno predložiti uvođenje minulog rada. U drugoj fazi najkasnije do kraja marta 2010. godine izvršiti temeljite izmjene svih zakona o platama.
6. Sredstva oslobođena provođenjem ovih zaključaka usmjeriti na socijalna davanja i kapitalni dio budžeta Brčko distrikta BiH za 2010. godinu.

Član 2

Ovaj zaključak stupa na snagu danom donošenja i objavit će se u Službenom glasniku Brčko distrikta BiH.

Broj: 01-02-148/09
Brčko, 17. novembra 2009. godine

**PREDSJEDNIK
SKUPŠTINE BRČKO DISTRIKTA BiH**

Mirsad Đapo, dipl. pravnik

1. Predsjedniku
2. Dopredsjedniku
3. Gradonačelniku
4. Direkciji za finansije
5. Komisiji za budžet Skupštine Brčko distrikta BiH
6. Sekretarijatu Vlade – Sektoru za opće poslove
7. Sekretarijatu Vlade – Sektoru za pravne poslove
8. Arhivi